



PRAVILNIK ZA REKREATIVNA BICIKLISTIČKA DOGAĐANJA

Ovaj pravilnik definira pravila za rekreativna biciklistička događanja sukladno Zakonu o sportu BiH (br.27/8).

1. VRSTE BICIKLISTIČKIH DOGAĐANJA I UTRKA/TRKA

Biciklistička događanja i utrke koja pokriva ovaj pravilnik BiSaBiH su:

- 1.1. Biciklijade
- 1.2. Rekreativna natjecanja/takmičenja

1.1. Biciklijade

Biciklijade su biciklistički događaji na kojima sudjeluju biciklisti neograničeno po pitanju starosti, kategorije, licenciranja i ostalih ograničenja. Održavaju se samo kao grupne vožnje bez ikakvog natjecateljskog/takmičarskog karaktera, a pogotovo bez ciljnog poretka ili rezultata. Naziv „biciklijada“ smije se koristiti samo za takve događaje.

Pri službenim informiranjima te općenito u objavama o biciklijadi ne smiju se koristit pojmovi „natjecatelj/takmičar“, „utrka/trka“, „natjecanje/takmičenje“ ili drugi nazivi koji bi događanje opisali natjecateljskim/takmičarskim karakterom, već se trebaju koristiti izrazi poput „sudionik/učesnik“, „biciklijada“, „maraton“, „popis sudionika/učesnika“ i slični. Također se u popisu sudionika/učesnika ne smije navoditi pripadnost klubu koji je u članstvu HBS-a.

Ne smiju se koristiti riječi poput „rezultati“, „poredak“ i slično, već samo „sudionici/učesnici“ ili slične. Medalje ili nagrade na osnovi poretka smiju se dijeliti samo za sudjelovanje/učešće, ne i za plasman tj. rezultat.

Svu odgovornost za sudionike/učesnike preuzima organizator ili sudionici/učesnici pojedinačno izjavom. Sudionici/Učesnici smiju voziti bicikle bilo koje vrste bez ikakvih ograničenja.

Nošenje kacige obavezno je za sve sudionike/učesnike mlađe od 16 godina.

Biciklijade ne moraju imati suce, ali moraju imati jasno naznačenog organizatora i voditelja biciklijade, kao i jasno i vidljivo istaknute pomoćnike (redare).

Biciklijada ne mora biti prijavljena u kalendar BiSaBiH, ali je poželjno da se to čini zbog popularizacije biciklizma u Bosni i Hercegovini i poticanja uređenog sustava natjecanja/takmičenja u sklopu BiSaBiH. Biciklijada mora biti prijavljena i odobrena nadležnim tijelima, a organizator je dužan poštivati sve zakonske odredbe.

1.2. Rekreativna natjecanja/takmičenja

Rekreativna natjecanja/takmičenja prvenstveno su namijenjena popularizaciji natjecateljskog/takmičarskog biciklizma kroz rekreativna natjecanja/takmičenja, posebice kod mlađih uzrasta, rekreativaca te treningu i pripremama natjecatelja/takmičara.

Rekreativna natjecanja/takmičenja mogu biti u svim disciplinama i kategorijama biciklizma.

Na rekreativnim natjecanjima/takmičenjama mogu sudjelovati biciklisti neograničeno po pitanju starosti, kategorija, licenciranja i sličnih ograničenja. Organizator sam definira kategorije u sklopu natjecanja/takmičenja, a koje mogu koristiti službenu podjelu pri BiSaBiH ili imati svoj odvojeni sustav kategorija.



Na rekreativnim natjecanjima/takmičenjima dozvoljeno je korištenje svih elemenata natjecateljske/takmičarske utrke, poput startne liste, ciljnog poretka (rezultata), raspisa/propozicija, okrjepnih zona, čipova i mjerena vremena i slično, ali obavezno kod navođenja karaktera utrke/trke uz naziv mora jasno biti stajati opis „Rekreativno natjecanje/takmičenje“ ili „Rekreativna utrka/trka“, posebice na službenim materijalima (Raspis i slično) utrke ili u medijskim napisima.

Glavni sudac natjecanja/takmičenja mora biti sudac licenciran u BiSaBiH i u dogovoru s organizatorom odgovoran je za izradu Startne liste, kao i konačnih rezultata natjecanja/takmičenja te za njihovo dostavljanje BiSaBiH (i županijskom/regionalnom savezu, ako je potrebno) u roku 2 dana nakon završetka natjecanja/takmičenja. Ostali suci ne moraju biti suci ili osobe licencirane pri BiSaBiH, a za njihov rad odgovoran je glavni sudac. Glavnog suca i ostale suce organizator sam dogovara.

U skladu s ostalim pravilnicima BiSaBiH, nazivi poput „rekreativno natjecanje/takmičenje“ i „rekreativna utrka/trka“ ne smiju se koristiti za utrke prijavljene u natjecateljskom/takmičarskom kalendaru BiSaBiH. Nošenje kacige obavezno je za sve sudionike.

Organizator snosi svu odgovornost za sudionike/učesnike utrke/trke te je dužan poštivati sve zakonske odredbe, a svi sudionici/učesnici, uključujući licencirane pri BiSaBiH, na ovim natjecanjima/takmičenjima nastupaju na vlastitu odgovornost.

Rekreativno natjecanje/takmičenje mora biti prijavljeno u rekreativni kalendar BiSaBiH najkasnije 7 dana prije održavanja. Prijava se vrši isključivo Uredu BiSaBiH putem obrasca koji se nalazi na službenim stranicama BiSaBiH.

2. ORGANIZATORI, TAKSE I NAKNADE ZA ORGANIZACIJU

Biciklistička događanja iz točke 1.1 i 1.2 ovog Pravilnika smiju organizirati organizatori kako slijedi niže u tekstu.

2.1. Za organizaciju biciklijade nema ograničenja po pitanju organizatora i taksi.

2.2. Rekreativna natjecanja/takmičenja smiju organizirati klubovi članovi BiSaBiH, kao i organizatori koji nisu članovi BiSaBiH.

2.2.1. Kad je organizator klub član BiSaBiH, dužan je, najkasnije 2 radna dana nakon održavanja rekreativnog natjecanja/takmičenja uplatiti taksu BiSaBiH u iznosu od:

1. 0 KM za ukupan broj natjecatelja/takmičara do 100;
2. 25 KM za ukupan broj natjecatelja/takmičara do 200;
3. 50 KM za ukupan broj natjecatelja/takmičara do 500;
4. 75 KM za ukupan broj natjecatelja/takmičara do 1.000;
5. 125 KM za ukupan broj natjecatelja/takmičara preko 1000.

2.2.2. Kad organizator nije član BiSaBiH, dužan je, najkasnije 2 radna dana nakon održavanja natjecanja/takmičenja uplatiti taksu BiSaBiH u iznosu od:

1. 0 KM za ukupan broj natjecatelja/takmičara do 50;
2. 50 KM za ukupan broj natjecatelja/takmičara do 100;
3. 75 KM za ukupan broj natjecatelja/takmičara do 200;
4. 125 KM za ukupan broj natjecatelja/takmičara do 500;
5. 250 KM za ukupan broj natjecatelja/takmičara do 1.000;
6. 500 KM za ukupan broj natjecatelja/takmičara preko 1000.

2.2.3. Organizator rekreativnog biciklističkog natjecanja/takmičenja, dužan je, od sudionika/učesnika



BICIKLISTIČKI SAVEZ BOSNE I HERCEGOVINE
БИЦИКЛИСТИЧКИ САВЕЗ БОСНЕ И ХЕРЦЕГОВИНЕ

BOSNIA AND HERZEGOVINA CYCLING FEDERATION

rekreativnog natjecanja/takmičenja naplatiti naknadu Savezu od 1KM za sudionike/učesnike koji su članovi nekog od klubova koji djeluju pod krovom BiSaBiH, odnosno 3KM za sudionike/učesnike koji nisu članovi niti jednog biciklističkog kluba koji je član BiSaBiH za tekuću godinu.

Organizator rekreativnog biciklističkog natjecanja/takmičenja, dužan je, najkasnije 2 radna dana nakon održavanja natjecanja/takmičenja uplatiti naknadu na račun BiSaBiH.

3. KAZNENE ODREDBE

Članovi BiSaBiH (klubovi) koji organiziraju rekreativno natjecanje/takmičenje koje nije prijavljeno BiSaBiH ili nije uplatio propisanu taksu u roku 15 dana kaznit će novčanom kaznom u iznosu od 250 konvertibilnih maraka. U slučaju ponavljanja takvog prijestupa u istoj natjecateljskoj/takmičarskoj sezoni, bit će kažnjeni iznosom od 500 konvertibilnih maraka.

Natjecatelj s licencom BiSaBiH koji nastupi na rekreativnom natjecanju/takmičenju koje nije prijavljeno BiSaBiH kaznit će se po pravilima UCI-ja (članci 1.2.019 - 1.2.021 UCI Pravilnika): predviđena kazna je jednomjesečna suspenzija i novčana kazna u iznosu od 50 do 100 CHF.

Organizator koji se ne pridržava "Pravilnika o Rekreativnim biciklističkim događajima", te se ogluši po bilo kojoj točki ovog pravilnika kaznit će novčanom kaznom u iznosu od 250 konvertibilnih maraka. U slučaju ponavljanja takvog prijestupa u istoj natjecateljskoj/takmičarskoj sezoni, bit će kažnjeni iznosom od 500 konvertibilnih maraka.

Klub organizator biciklijade ili rekreativnog natjecanja, a koji je član BiSaBiH, koji istu promovira kao službeno natjecanje/takmičenje BiSaBiH (kao utrku/trku iz natjecateljskog/takmičarskog kalendara), a posebice ako temeljem toga nastoji priskrbiti jasnu finansijsku, materijalnu ili drugačiju korist, kaznit će se iznosom od 750 konvertibilnih maraka. Pri ponavljanju prijestupa bit će kažnjen iznosom od 1.250 konvertibilnih maraka.

Za ostale prijestupe odluku o kazni primjenjuju se procedure po Statutu BiSaBiH - Stegovni sud BiSaBiH (*kojeg imenuje UO BiSaBiH*) imajući na umu težinu prijestupa i objektivne okolnosti.

Klub ili natjecatelj/-i, odnosno takmičar/-i nad kojima je izrečena novčana kazna moraju istu podmiriti u roku 30 dana od njenog zaprimanja. Do podmirenja kazne, isti neće moći konzumirati prava proizašla iz članstva u BiSaBiH.

4. TUMAČENJE

Sva tumačenja ovog Pravilnika daje Upravni odbor BiSaBiH. U slučaju spora ili pisanog prigovora primjenjuju se procedure po Statutu BiSaBiH.

U Banja Luci, 3. studenog/novembra 2017.

Zlatko Berbić
Predsjednik BiSaBiH

